



欽定歷代職官表

11

保
4544
14



年罷指揮使置鑾儀使及副使等官五年罷鑾儀副使定
鑾儀使滿洲漢人員額各二九年始以內大臣掌衛事康
熙三十年省漢人鑾儀使一人所隸有軍尉旗尉民尉凡
陳設鹵簿儀刀弓矢及戟用親軍豹尾槍仗馬用護軍蒙
古畫角用蒙古畫角軍奉請乘輿用旗尉擊執各項儀仗
用民尉由內府選充者為旗尉
五城選充者為民尉奉輦旗尉百六十八人民
尉六十八人各執事旗尉二百四十六人民尉一千八百五
十六人皆分隸各所乾隆四十四年定凡民尉籍隸大興
宛平者有缺仍以兩縣人充補其籍
隸外州縣者有缺則以
包衣閑散人等改補三旗蒙古布勒器三十八漢軍更
夫四十八人

左所掌所印冠軍使滿洲一人正三品凡滿洲員額皆
以蒙古兼授各所衛同掌鑾輿

司馴馬司司印雲麾使滿洲二人閒散雲麾使滿洲一人雲麾

使漢軍二人俱正四品
各所衛同治儀正滿洲四人漢軍五人俱正五品
各所衛同

整儀尉滿洲二人漢軍八人俱正六品
各所衛同

掌輿乘輦輅之事凡各所衛官制員額皆順治十一年定

右所掌所印冠軍使滿洲一人掌擊蓋司弓矢司司印雲麾使

滿洲二人閒散雲麾使滿洲一人雲麾使漢軍一人治儀正滿

洲三人漢軍二人整儀尉滿洲三人

掌繳蓋儀刀弓矢槍戟之事

中所掌所印冠軍使滿洲一人掌旌節司幡幢司司印雲麾使

滿洲二人閒散雲麾使滿洲一人雲麾使漢軍一人治儀正滿

洲三人漢軍二人整儀尉滿洲二人漢軍一人

掌麾擎幡幢燾職節鉞仗馬之事

前所掌所印冠軍使滿洲一人掌扇手司斧鉞司司印雲麾使滿洲二人閒散雲麾使滿洲一人雲麾使漢軍一人治儀正滿洲三人漢軍三人整儀尉滿洲二人漢軍二人

掌扇鑪瓶盂杌椅星拂御仗櫻薦靜鞭及品級山之事

後所掌所印冠軍使滿洲一人掌班劍司戈戟司司印雲麾使滿洲二人閒散雲麾使滿洲一人雲麾使漢軍一人治儀正滿洲三人漢軍三人整儀尉滿洲二人

掌旗幟立瓜臥瓜吾仗之事

馴象所掌所印冠軍使滿洲一人掌東司西司印雲麾使滿洲二人閒散雲麾使滿洲一人雲麾使漢軍一人治儀正滿洲二人漢軍一人整儀尉滿洲二人

掌儀象騎駕鹵簿饒歌前部大樂

旗手衛掌衛印冠軍使滿洲一人掌衛事冠軍使漢軍一人掌左司右司印雲麾使滿洲二人治儀正滿洲二人漢軍二人整儀尉滿洲三人

掌金鈺鼓角饒歌大樂及午門司鐘神武門鐘鼓樓直更之事乾隆七年以鼓手旗尉八十人並頭尉八人隸樂部改名署史學習音律又民尉六十人舊以內府匠役閒散人借補者亦改用旗人並隸樂部焉

陪祀冠軍使漢軍二人駕儀管理雲麾使漢軍一人治儀正漢軍三人駕庫管理整儀尉漢軍二人

各以其事隸屬於衛無專領職掌品秩與各所衛同

謹案以上八員雖定置額缺而與七所之各有司存者不同今據現在員數另為一條次於各所衛之後

主事滿洲一人經歷漢人一人正七品

掌章奏文移員額俱康熙十六年定

筆帖式滿洲七人漢軍三人

員額康熙十六年定職事具吏部篇

鳴贊官四人

掌贊鳴鞭初制以本衛官八人兼之乾隆三十七年改定於太常寺鴻臚寺贊禮郎鳴贊官內送衛選擇補用

漢人侍衛無定員

乾隆十三年定制每科以武進士簡拔侍衛者派撥數員在衛行走以備差委不為額缺其陞轉仍依侍衛之例

歷代建置

三代

春秋左氏定公元年傳辭宰曰辭之皇祖奚仲居辭以為夏居正注皇大也奚仲為夏禹掌車服大夫

荀子奚仲作車正楊倞注夏禹時車正

後漢書輿服志奚仲為夏車正建其旂旒尊卑上下各有等級

竹書紀年殷太戊三十一年命費侯中衍為車正

謹案管子奚仲之車也方圓曲直皆中規矩鈞繩呂氏

春秋寒哀作御奚仲作車淮南子胡曹為衣奚仲為車
山海經番禺生奚仲奚仲生吉光以木為車郭璞謂言
吉光明其父子共創意惟宋志謂包羲畫八卦而為大
輿奚仲乃夏之車正安得始造荀子解蔽篇註黃帝已
有車服奚仲亦改制耳則是奚仲造車之說或以其為
車正而附會之奚仲為夏車正中衍為殷車正蓋即今
變儀衛職事所自昉也

周禮春官巾車下大夫二人上士四人中士八人下士十
有六人府四人史八人工百人胥五人徒五十人掌公車
之政令辨其用與其旗物而等敘之以治其出入鄭康成注巾車之長典路中上二人下士四人府二人史二人胥二人徒

二十人掌王及后之五路辨其名物與其用說鄭康成注路王之所

乘司常中士二人下士四人府二人史二人胥四人徒四

十人鄭康成注司常主王旌旗掌九旗之物名各有屬以待國事日月

為常交龍為旂通帛為旛雜帛為物熊虎為旗鳥隼為旟

龜蛇為旐全羽為旖析羽為旌

天戴禮記上車以和鸞為節下車以佩玉為度行以采芡
趨以肆夏步還中規折還中矩進則揖之退則揚之然後
玉鏘鳴也古之為路車也蓋圓以象天二十八椽以象列
星軫方以象地三十輻以象月故仰則觀天文俯則察地
理前視則睹和鸞之聲側聽則觀四時之運此巾車教之
道也

穆天子傳天子主車造父爲御

周禮夏官司戈盾下士二人府一人史二人徒四人掌戈

盾之物而頒之祭祀授旅賁及故士戈盾授舞者兵亦如

之軍旅會同授貳車戈盾建乘車之戈盾授旅賁及虎士

戈盾太僕下大夫二人王出入則自左馭而前驅鄭康成注前驅

如今道引也道而居左自馭不參乘辟王也戎右中大夫二人上士二人會同

充革車鄭康成注充之者謂居左也齊右下大夫二人掌祭祀會同賓

客前齊車王乘則持馬行則陪乘道右上士二人掌前道

車王出入則持馬陪乘如齊車之儀自車上諭命于從車

詔王之車儀王式則下前馬王下則以蓋從大馭中大夫

二人掌馭玉路以祀及犯軼王自左馭馭下祝登受轡犯

軼遂驅之凡馭路行以肆夏趨以采薺凡馭路儀以鸞和

爲節戎僕中大夫二人掌馭戎車鄭康成注戎車革路也掌王倅車

之政凡巡狩及兵車之會亦如之齊僕下大夫二人掌馭

金路以賓朝覲宗遇饗食皆乘金路其灋儀各以其等爲

車送逆之節道僕上士十有二人掌馭象路以朝夕燕出

入其灋儀如齊車田僕上士十有二人掌馭田路以田以

鄙掌佐車之政設驅逆之車馭夫中士二十人下士四十

人掌馭貳車從車使車

周禮秋官條狼氏下士六人胥六人徒六十八人掌執鞭以

趨辟

王應麟玉海鳴鞭唐有之周條狼氏之遺法也

周禮夏官服不氏下士一人徒四人掌養猛獸而教擾之

鄭康成注教習使之馴服王者之教無不服節服氏下士八人徒四人掌六人

維王之太常鄭康成注維維之以縷王旌十二旒兩兩以縷綴連旁三人持之禮天子旌曳地

周禮地官鼓人中士六人府二人史二人徒二十人掌教

六鼓四金之音聲以節聲樂

謹案車路之等旌旗之飾至周而文物始盛後世儀衛

大抵本周制而損益之故其設官亦最為詳備以今制

相準巾車掌公車政令當即如今鸞儀使之職典路道

僕田僕馭夫分掌車路當如今左所之職司常掌九旗

當如今中所之職司戈盾掌授戈盾節服氏維王之太

常而道右兼之蓋從又當如今右所之職條狼氏為鳴

鞭所自始當如今前所之職服不氏掌養猛獸當如今

馴象所之職而又與旗手衛同掌饒歌大樂則又並有

地官鼓人之職為後世鼓吹令所因今故互見于樂部

表以明源流所自至周之太僕一官主左馭前驅又兼

有今鑾儀使之職故自秦漢以後太僕並主乘輿鹵簿

不獨典司牧政至元明而始專為養馬之官今並互見

此表以著其實云

秦

唐六典秦有六尚尚乘局自秦漢以來其職皆在太僕

杜佑通典秦有車府令

史記秦始皇本紀中車府令趙高裴駟集解主乘輿路車

謹案宋宋綬作景祐鹵簿圖記稱秦兼屬車九九之數
沈約謂古者諸侯貳車九乘秦滅九國兼其車服故八
十一乘則儀物之容至秦而益加詳備故特仿周制置
太僕以掌之當如今之鑾儀衛而中車府令主乘輿路
車則亦近今左所之職也

漢

漢書百官公卿表奉車都尉掌御乘輿車駙馬都尉掌駙
馬顏師古注駙副馬非正駕車皆為駙馬一日駙近也皆武帝初置秩比二千石

謹案魯峻石壁殘書象載南郊大駕出時有云小使持
騎幢有云持騎馬有云駙馬上下文殘缺不可讀考百
官公卿表駙馬都尉掌駙馬顏注以駙馬為副馬魯峻

石壁所謂持駙馬蓋維持此駙駕之馬則正駙馬都尉
之職爾其云大駕出時即大駕鹵簿其云小史持騎幢
即輿服志所云尙書主者郎令史副御史蘭臺令史副
皆執注以督整車騎是也

漢書霍光列傳光為奉車都尉光祿大夫出則奉車入侍
左右

漢書百官公卿表太僕掌輿馬屬官有車府路軫令丞武
帝太初元年初置路軫顏師古注伏儼曰主乘輿路車又
軫音凡小車軫今之小馬車曲輿也

漢書梁邱賀列傳先驅旄頭顏劭注旄頭以羽林為之髮
正上向而長衣繡衣在乘輿
前車

宋書禮志晉武帝問侍臣旄頭何義彭推對曰秦國有奇怪觸山截木惟畏旄頭故虎士服之則秦制也張華曰有是言而事不經臣謂壯士之怒髮踊衝冠義取於此徐爰曰彭張各言意義無所承據案天文畢昴之中謂之天街故車駕以畢昴前引畢方昴圓因其象星經昴一名旄頭故使執之者冠皮毛之冠也

漢書東方朔列傳宋萬爲式道候

顏師古注式表也表道之候若今之武侯引駕

蔡邕獨斷天子出車駕次第謂之鹵簿有大駕有小駕有法駕大駕則公卿奉引大將軍參乘太僕御屬車八十一乘備千乘萬騎在長安時出祠天於甘泉備之百官有其儀注名曰甘泉鹵簿中興以來希用之先帝時時備大駕

上原陵他不常用法駕公卿不在鹵簿中唯河南尹執金吾洛陽令奉引侍中參乘奉車郎御屬車三十六乘北郊明堂則省諸副車小駕祠宗廟用之每出太僕奉駕上鹵簿於尚書侍中中常侍侍御史主者郎令史皆執注以督整諸軍車騎春秋上陵令又省於小駕直事尚書一人從令以下皆先行法駕上所乘曰金根車駕六馬有五色安車五色立車各一皆駕四馬是謂五時副車俗人名之曰五帝車非也

西京雜記漢朝輿駕祠甘泉汾陰備千乘萬騎太僕執輿大將軍陪乘名爲大駕車有司馬辟惡記里靜室象車武剛九旂雲罕皮軒闕戟鸞旌建華相風烏金根之名儀衛

有騎隊鼓吹黃麾騎畢罕節御馬華蓋桐鼓之制或分八校或分十六校式道有候護駕有官

漢書文帝本紀奉天子法駕迎代邸

如淳注法駕侍中駟乘奉車郎御屬車三

十六乘

漢書劉向列傳任爲輦郎

顏師古注如今引御輦郎也

謹案鹵簿之名始見於西漢李善文選注引胡廣漢官制度曰天子出車駕次第謂之鹵簿唐人謂鹵槽也甲盾之別名兵衛以甲盾居外爲前導皆著之簿故曰鹵簿王應麟引五禮精義謂鹵大盾也以大盾領一部之人故言鹵簿其爲說稍殊而其釋鹵爲盾則無異蓋亦本武衛之義以立此名在漢時屬太僕所掌觀夏侯嬰

傳嬰事高祖爲太僕常奉車後事惠帝高后皆爲太僕至文帝人立嬰復以太僕具法駕奉迎終身未嘗遷官蓋亦以典司輿輦爲近御之官故特隆其任寄與金鑾儀衛之職實爲相合所屬若車府路軫諸令丞及式道候奉車郎輦郎則皆今各所所有事而西京雜記稱儀衛分八校或十六校則以事區分職掌亦猶今之有左右中前後五所也又旄頭郎以羽林爲之而所掌爲乘輿前驅則其職當亦隸於太僕漢書外戚傳上官桀爲羽林期門郎從武帝上甘泉天大風車不得行解蓋授桀桀奉蓋雖風常屬車兩下蓋輒御上奇其材力是漢時華蓋本在車上因風而使桀解下奉持正如周官道

右之王下則以蓋從可知期門羽林固得並兼奉車之事耳又漢初以奉車駙馬二都尉供奉乘輿最稱親近故霍光任此者幾二十年至三國時乃多以威畹勳舊爲之迨東晉而後惟尙主者始授此職他人皆不得與嗣是遂爲主壻之定名而不知其初實主侍從車駕卽如管鑾儀衛大臣之職今故並著于表以從其朔焉

後漢書百官志太僕卿一人中二千石掌輿馬天子每出奏駕上鹵簿用大駕則執御車府令一人六百石主乘輿諸車未央殿令一人六百石主乘輿

宋書禮志漢制每出警蹕清道建五旗太僕奉駕條上鹵簿

後漢書禮儀志車府令設鹵簿駕

後漢書輿服志東都大駕太僕校駕法駕黃門令校駕乘輿法駕公卿不在鹵簿中河南尹執金吾雒陽令奉引奉車郎御侍中參乘屬車四十六乘前驅有九旂雲罕鳳凰關戟皮軒鸞旂皆大夫載鸞旂者編羽旄列繫幢旁民或謂之雞翹非也後有金鉦黃鉞黃門鼓車大駕屬車八十一乘法駕半之屬車皆阜蓋赤裏木輻戈矛弩箠尙書御史所載最後一車懸豹尾豹尾以前比省中行祠天郊以法駕祠地明堂省什三祠宗廟尤省謂之小駕每出太僕奉駕上鹵簿中常侍小黃門副尙書主者郎令史副侍御史蘭臺令史副皆執注以督整車騎謂之護駕春秋上陵

九省於小駕直事尚書一人從其餘令以下皆先行後罷
謹案續漢書輿服志云法駕屬車四十六乘蔡邕獨斷
云三十六乘三輔黃圖則從獨斷或續漢書四字爲三
字之誤

張衡東京賦及將祀天郊報地功乃整法服正冕帶珩紱
紘纒玉笄綦會火龍黼黻藻繅盤厲結飛雲之袷輅植翠
羽之高蓋建辰旒之大常紛風悠而容裔六元虬之奕奕
齊騰驤而沛艾龍輶華轡金鏤鏤錫方鈇左纛鉤膺玉環
鸞聲噦噦和鈴鈇鈇重輪貳轄疏轂飛輪羽蓋葳蕤葩瑤
曲莖順時服而設副咸龍旂而繁纓立戈迤夏農輿木輅
屬車九九乘軒並轂璫弩重旃朱旄青屋奉引既畢先輅

乃發鸞旗皮軒通帛綺旒雲罕九旂鈇戟轆轤鬣毛被繡
虎夫載鶡駙承華之蒲梢飛流蘇之騷殺總輕武於後陳
奏嚴鼓之嘈囂戎士介而揚揮戴金鈺而建黃鉞清道按
列天行星陳

謹案東京賦云奉引既畢先輅乃發即輿服志所云河
南尹執金吾洛陽令奉引是也又云鸞旗皮軒即輿服
志所云皮軒鸞旗皆大夫載是也云屬車九九即輿服
志所云屬車八十一乘也云雲罕九旂即輿服志所云
前驅有九旂雲罕是也云鈇戟轆轤即輿服志所云鳳
凰闐戟是也云奏嚴鼓之嘈囂即輿服志所云黃門鼓
車是也云戴金鈺而建黃鉞即輿服志所云後有金鈺

黃鉞是也漢賦之有關於典制如此

李善文選注漢官儀曰大駕鹵簿五營校尉在前者名曰
填衛

謹案後漢天子每出皆太僕條上鹵簿與今鑾儀衛之
制尤為相合至漢有充庭之制凡臨軒大會陳乘輿車
輦旌鼓於殿庭張衡東京賦所云龍路充庭鸞旗拂霓
者是也今制朝會

御殿陳設鹵簿實權輿於此其在漢世當亦屬太僕所條上
歟

唐六典後漢少府屬官有承華令典黃門鼓吹一百三十
五人百戲師二十七人

謹案後漢之承華令至晉以後改為鼓吹令今馴象所
旗手衛所典鏡歌前部樂實即其職故既繫之樂部表
而仍互見於此焉

孫逢吉職官分紀漢鹵簿之制衛尉駕四馬主簿前車八
乘

後漢書百官志奉車都尉比二千石無員駙馬都尉比二
千石無員劉昭補注漢官曰奉車都尉三人駙馬都尉五
人

三國

三國魏志后妃列傳卞蘭為奉車都尉郭詳遷為駙馬都
尉

三國蜀志諸葛亮列傳亮兄子喬拜為駙馬都尉

通典後漢太僕奏駕上鹵簿魏因之後漢太僕有未央廄令魏改為乘黃廄乘黃古之神馬因以為名歷代皆有悉掌乘輿車府署令魏屬太僕

謹案曹魏太僕之制同於東漢當亦有今鑾儀衛之一職其乘黃令雖以馬為名而所掌實乘輿車輅當如今左所之職也至太僕一官魏志所載諸臣自潘尼以外罕有居此職者惟齊王紀引魏書載羣臣奏事有太僕臣疑列於太常衛尉之後廷尉大鴻臚之前則其位任亦不為輕矣

晉

晉書職官志武帝以宗室外戚為奉車駙馬都尉而奉朝請焉元帝為晉王以參軍為奉車都尉掾屬為駙馬都尉皆奉朝請後罷奉車都尉惟留駙馬都尉奉朝請諸尙公主者劉惔桓溫皆為之

謹案自此以後駙馬都尉遂為主壻加官無復供奉乘輿之事矣

王應麟玉海晉中朝大駕鹵簿靜室令中道式道候分左右次洛陽尉令亭長河南掾尹簿記次司隸廷尉太常光祿衛尉太尉司徒司空或駕一或駕三或駕駟次中護軍步兵長水射聲翊軍越屯騎校尉驍騎游擊左右前後領軍將軍並鹵簿左右二行鼓吹一部次領護驍騎游軍校

尉繖扇幢麾各一騎鼓吹一部七騎領護加大車斧終於
金顏督將此百官之儀也

晉書職官志太僕統車府乘黃等令

馬端臨文獻通考尙輦車府令掌之東晉省太僕遂隸尙
書駕部

通典晉置鼓吹令丞屬太常

謹案晉鹵簿之制以太僕卿與大將軍驂乘則晉之太
僕亦兼有今鑾儀衛之職然考晉書又稱陳勰爲典兵
中郎將武帝每出入持白獸旛在乘輿左右鹵簿陳列
齊肅輿服志載鹵部儀式亦有典兵中郎中道督攝之
文典兵中郎將爲今領侍衛之職而得兼司鹵簿則正

如今管衛事之大臣也

宋齊梁陳

宋書百官志周官巾車尙車太僕兼其任宋以來不置郊
祀則權置太僕執轡事畢卽省乘黃令一人掌乘輿車屬
太常車府令一人隸尙書駕部

南齊書百官志太僕掌郊禮執轡有事權置兼官畢乃省
乘黃令一人掌五路安車

隋書百官志梁太常統鼓吹乘黃等令丞陳依梁制

冊府元龜梁乘黃令品第七秩四百石銅印墨綬進賢一
梁冠絳朝服

玉海梁乘輿行則有大駕法駕小駕行幸則槩仗近燕則

隊仗三駕法天二仗法地大同五年賀琛奏南北二郊藉
田御輦不復乘路以待中陪乘停大將軍及太僕

謹案南朝鹵簿之法具載史志而當時不置太僕其司
存所在蓋當分屬於太常及駕部也又考南史齊武陵
昭王暕傳稱牛羸不能取路上敕車府給副御牛一頭
云云據此則是乘黃令所掌者為車輅輿輦以備郊廟
儀物而車府所掌乃主供奉御前之用其職又稍有不
同耳

隋書百官志梁奉車都尉無員

北魏

魏書官氏志太和中定百官奉乘郎從第五品中翼馭郎

從第五品下二十三年復次職令奉車都尉從第五品正
始四年詔曰奉車都尉禁侍美官顯加通貴世移時變遂
為冗職既典名猶昔宜有定員可二十八

魏書禮志太祖天興二年命禮官摺採古事制三駕鹵簿
一曰大駕設五輅建太常屬車八十一乘平城令代尹司
隸校尉丞相奉引太尉陪乘太僕御二曰法駕屬車三十
六乘平城令代尹太尉奉引侍中陪乘奉車都尉御三曰
小駕屬車十二乘平城令太僕奉引常侍陪乘奉車郎御
冊府元龜後魏殿中監有乘黃車府令後又省乘黃令
謹案北魏車府乘黃二令俱改屬於殿中監又與魏晉
之制有殊至官氏志之奉乘郎翼馭郎禮志之奉車郎

皆主供奉輿輦則今左所之冠軍雲麾諸使當卽其職也

北齊

〔隋書百官志〕後齊衛尉寺統武庫署令掌甲兵及儀仗太僕寺統乘黃車府等署令丞乘黃掌諸輦輅車府掌諸雜車太常領鼓吹署令丞掌鼓吹樂人等事左右衛府奉車都尉十人

謹案歷代執仗兵士皆卽以衛卒充之北齊儀仗掌諸衛尉其由來當本於此然自是而鑾儀衛之職遂分爲兩官蓋武庫署如今之右中前後四所而乘黃署則如今之左所也

後周

〔通典〕後周官品正五命夏官大馭司右中大夫五命奉車都尉奉騎都尉正四命春官司車路夏官小馭戎馭齊馭小司右戎右齊右等下大夫正三命春官小司車路夏官道馭田馭小司右賓右道右田右司仗等上士正二命春官典路司庫司常司鼓司吹夏官司仗司刀盾等中士正一命春官典路司車司常司鼓司吹夏官司刀盾等下士〔隋書禮儀志〕周氏設六官置司路之職以掌公車之政辨其名品與其物色

謹案隋書禮儀志又稱後周置左右武伯掌內外衛之禁令皇帝臨軒則備三仗於庭蓋當時用衛士立仗故

即以左右武伯專司其事實兼有今鑾儀衛之職正如
今掌衛事之大臣也

隋

隋書百官志高祖置衛尉寺統武庫令丞太僕寺統乘黃
車府署各置令丞煬帝加置主乘官

唐六典煬帝置尙輦局奉御正五品

隋書百官志奉車都尉六人掌馭副車

隋書閻昆列傳帝曰開皇之日屬車十二乘今八十一乘
欲減之毗曰八十一乘起於秦遂爲後式次及法駕三十
六乘三十六乘此漢制也晉遷江左唯設五乘宋時設十
二乘開皇平陳因以爲法今憲章往古大駕依秦法駕依

漢小駕依宋以爲差等帝曰大駕宜三十六法駕宜十二
小駕除之

通志隋有鼓吹令丞

謹案隋書稱陳承梁末王琳縱火延燒車府因重造五
輅及副車是南朝輦輅皆藏於車府也又稱周大象初
遣鄭譯閱視武庫得魏舊物有乾象輦大樓輦象輦等
皆魏天興中所置宣帝咸服御之則是魏周及隋輦輅
皆藏於武庫與南朝制異故武庫令兼掌儀仗正如今
之有鑾駕庫也

唐

唐六典殿中省尙輦局奉御二人從五品上直長四人正

儀衛

廣雅書局

七品下掌輦二人正九品下主輦四十二人奉輦十五人
掌輿輦繖扇之事分其次序而辨其名數直長爲之貳凡
大朝會則陳於庭大祭祀則陳於朝凡繖扇大朝會則繖
二扇一陳之於庭若常聽朝皆去扇左右各留其三以備
常儀○衛尉寺卿一人從三品少卿二人從四品上掌邦
國器械文物之政令凡大祭祀大朝會則供其羽儀節鉞
金鼓帷帟茵席之屬武庫令兩京各一人從六品下掌兵
仗器械武器署令一人正八品下丞二人從九品下掌在
外戎器辨其名物會其出入凡大祭祀大朝會大駕巡幸
則納於武庫供其鹵簿○太僕卿之職凡國有大禮大駕
行幸則供其五輅屬車之屬乘黃署令一人從七品下丞

一人從八品下掌天下車輅辨其名數與馴馭之法丞爲
之貳凡乘輿五輅皆有副車又有指南車記里鼓車白鷺
車鸞旗車辟惡車皮軒車耕根車安車四望車羊車黃鉞
車豹尾車屬車一十有二大駕則用之車府署令一人正
八品下丞一人正九品下掌王公以下車輅

新唐書百官志少府監左尚署令一人從七品下丞五人
從六品下掌供翟扇蓋繖五路五副七輦十二車

唐六典尙輦局置掌扇直長掌執扇供奉之事

新唐書百官志鼓吹署令二人從七品下丞二人從八品
下樂正四人從九品下掌鼓吹之節以備鹵簿之儀

通典天寶以前選奉車都尉五員掌馭副車不常置若大

備陳設則以餘官攝行屬左右衛

新唐書儀衛志朝會之仗分爲五仗號衛內五衛一日供奉仗以左右衛爲之二日親仗以親衛爲之三日勳仗以勳衛爲之四日翊仗以翊衛爲之五日散手仗以親衛翊衛爲之

謹案唐六典駕部郎中員外郎掌邦國之輿輦車乘庫部郎中員外郎掌邦國之戎器儀仗及冬至元旦之陳設是唐代鹵簿之制實領其成於兵部而以衛尉之武庫武器二署太僕之乘黃車府二署殿中之尙乘局少府之左尙署分司厥事並不專屬於一官也至唐時鹵簿皆用五衛之士分隊前後領以折衝都尉其左右廂儀仗內整鎧弓箭刀楯積靡之類左右衛以黃左右武衛以白左右威衛以黑左右領軍衛以青各有定色御仗之物二百一十有九羽儀之物三百自千牛以下各分而典掌之則其時鹵簿陳設之事又領於十六衛將軍亦猶今之以大臣管衛事矣

五季

職官分紀梁開平初置儀鸞司

玉海後唐明宗時始有鹵簿使兵部侍郎爲之

謹案宋五朝志稱五代漢乾祐中始置主輦十六人掌扇四人則當時儀衛簡略可以槩見故其設官亦多不備然儀鸞司之名實初見於此至鹵簿使雖兼攝之官

職官表卷四十二
而職在排列督整則亦如今之管鑿儀衛大臣也

宋

政和五禮新儀建隆初選從臣嫻習禮儀者爲鹵簿使
宋綬天聖鹵簿記序曰黃帝創軒冕之容列營衛之警輿
駕儀物益本於此唐堯彤車有虞鸞和夏后之綏商人之
路周官有司常巾車之職虎賁旅賁之從三五之際所由
來尙矣秦并六國兼屬車九九之數漢上甘泉備千乘萬
騎之眾自時厥後損益可知藝祖始議郊饗卽諏典文扞
衛旣崇羽儀兼備初吏士所服皆用畫帛乃命易以厚繒
加之文繡采綵相錯煥乎一時至道中詔翰林承旨宋白
與內侍畫郊丘仗衛緘在祕府景德中資政殿學士欽若

上鹵簿記三卷敕付太史皇上紹庭正統粵再郊之明年
命華光侍臣圖寫大簿臣充儀仗使督攝容衛又以太僕
奉車承顧問乃與侍讀馮元侍講孫奭議曰前二圖書寫
形紀事不相參會盍象設而又文陳平繇是著爲圖記十
篇歲在戊寅燔祀有期敕重飾帝車爰及法物並加釐正
謹案宋綬充儀仗使又兼太僕奉車之職故作鹵簿圖
記卽今鑿儀衛使掌秩序鹵簿也

李燾續資治通鑑長編真宗大中祥符元年命馮拯爲儀
仗使陳堯叟爲鹵簿使

謹案儀仗鹵簿二使宋亦以他官兼攝當時故事中丞
領儀仗使天聖二年用中丞薛奎領鹵簿而翰林學士

領儀仗治平二年詔中丞賈黯爲儀仗使翰林學士范鎮爲鹵簿使是其事

周必大繡衣鹵簿記藝祖皇帝受天眷命用肇造區夏武功既成文治斯廣躬郊禋正會朝祫威盛容以次舉行惟是承五季搶攘之後鹵簿雖設踳駁爲甚易而新之茲惟其時於是制誥范質張昭等正其繆整參定典式已而禮儀使陶穀奏言金吾諸衛將軍暨押仗導駕等官服皆以紫於禮未稱請按開元禮咸用繡袍至若執仗之士舊服五色畫衣先後靡倫無所准式請以黑爲先而青赤黃白以次分列用協五行相生之序逮有司以儀注上帝御便殿陳而閱之凡馬步儀仗總萬有一千二百一十有二人

悉以綜絲袍繡文代彩畫之服揚揮絢采丕釐舊弊暨慶三代兩漢之盛矣稽諸會要始造於乾德之四年而告備於開寶之三年越明年謁欵圓邱實始用之想夫襮稍前驅五輅增副里以鼓記車以南指雞翹豹尾天嬌婀娜公卿執事前導後陪細仗大角壯其容幟蓋繖扇備其飾耄老幼稚族觀聚歎向也目熟乎兵革今乃窺文物旗常之美向也耳厭乎金鼓今乃聞錫鸞和鈴之音皇哉治世之鉅典華夏之偉觀也竊讀三聖寶訓而知藝祖恭儉之德出於天資衣用澣濯器御質素齊官無三服之獻織室罷纂組之工顧於羽衛乃顯設藩飾如此得無意乎蓋恭儉者帝王之盛德也備羽衛者國家之上儀也在漢孝文殿

職官考卷四十一
設書囊之帷身以敦朴爲先及其詔令則曰鸞旗在前屬車在後儀物明盛猶可想於千載之下然則聖人所以奉己與華國者固自殊轍也耶是以知藝祖之意有在也列聖繼承制作益詳曰大駕曰法駕曰鸞駕曰黃麾仗或施之躬郊或用之封祀或設之朝覲其多寡有差其先後有序揆厥所元皆自繡衣啟之貽謀垂裕永永無極肆皇帝陛下紹復祖宗之大業迺紹興十有三年築壇而郊共祀天地鹵簿之制實纂乾德至於歲用癸亥則視建隆初郊之歲若合符節夔觀簡冊未之攸聞蓋莫爲於前無以彰異時創業之功莫繼於後無以知中興之治是不可以不特書也

玉海宋大駕鹵簿自開寶定通禮之後彌有增益鹵簿使專掌定字圖排列儀仗使糾督之凡車路太僕寺主之輿輿徽扇御馬殿中省主之阜纛纛稍十六騎引駕細仗牙門金吾主之槍仗六軍主之六引諸隊大角五牛旗兵部主之寶案門下省掌之鐘漏司天臺掌之鼓吹太常鼓吹局掌之旗器名物衣冠寶蓋錦繡等飾朝服法物庫出馬箠弩弓矢戎裝雜仗軍器庫內弓箭庫出馬總大駕鹵簿二萬六十一人法駕三分減一鸞駕又減半兵部麾仗又減於鸞駕

謹案政和新儀兵部言國初大駕儀仗總一萬一千二百二十二入今已有黃麾半仗三千四百八十三人玉

輅腰小輿大輦平道遙輦下一千九人外其金象革木輅芳亭鳳輦屬車寶輿一千二百七十三人天武捧日奉宸隊六千四百五十七人仗內六引鼓吹前後部一千五百人法物儀仗望下有司製造詔令文繡並代以纈命兵部錢時敏戎監劉才邵等參訂兵部掌貳提舉然則鹵簿雖設諸官分掌而制度創造則仍兵部統主之蓋猶沿唐代之制玉海謂兵部主六引特舉其職之分見者耳

采史職官志殿中省尙輦局掌輿輦之事有典御一人奉御六人又置提舉及管幹官一員尙衣庫使副使二人以內侍三班充掌駕頭服御徽扇之名物朝服法物庫監官

二人以諸司使副及三班內侍充掌諸司儀仗之名物○衛尉寺內弓箭庫掌藏兵仗器械儀鸞司掌供幕帟供帳六軍儀仗以肅禁衛凡儀物以時修飭選募人兵而校其遷補之事○太僕寺車輅院掌乘輿法物凡大駕法駕小駕供輦輅及奉引屬車辨其名數與陳列先後之序養象所掌調御馴象

陳世崇隨隱漫錄孟享駕出則軍器庫御酒庫御廚祇候庫儀鸞司御藥院從物前導騏驥院馬引從舍人內外諸司庫務官繼之

謹案儀鸞司卽今鑾儀使之職漫錄云從物前導卽宋職官志所云儀鸞司掌供幕帟供帳之類是也

章如愚山堂考索鼓吹局令一人丞一人

職官分紀慶厯四年鼓吹局移就武成王廟

宋記職官表殿前司騎軍有金槍班東西班諸軍指揮步

軍有御龍直骨朶子直弓箭直弩直諸軍指揮

謹案宋鹵簿有排列字圖掌於兵部而以鹵簿儀仗二

使總其成蓋卽今管鑾儀衛大臣之比其車輅院尙輦

局則如今之左所尙衣庫朝服法物庫內弓箭庫則分

隸今之右中前後四所養象所如今之馴象所鼓吹局

如今之旗手衛而六軍儀仗司主選募人兵校其遷補

則如今鑾儀衛之有旗尉民尉也

遼

遼史百官志北面官有車輿局車輿郎君南面官殿中司

有尙乘局奉御尙輦局奉御太常寺有鼓吹署令丞

文獻通考契丹有諱子部每謁拜木葉山唱歌前導

金

金史職官志尙輦局使從五品副使從六品掌承奉輿輦

等直長正八品典輿都轄從九品○武器署提點從五品

令從六品丞從七品掌祭祀朝會巡幸鹵簿儀仗旗鼓笛

角之事直長正八品頓舍官二員正八品右屬殿前都點檢司○宣

徽院左宣徽使右宣徽使掌殿庭禮儀所隸弩手傘子二

百三十九人控鶴二百人○拱衛直使司都指揮使從四

品副都指揮使從五品掌總統本直謹嚴儀衛鈐轄正六

職官表卷四十二 鑾儀衛

廣雅書局

品都從九品○侍衛司舊名擎執局大定元年改為侍衛局大定五年陞局為司令從

六品掌侍奉朝儀率捧案擎蓋奉輦各給其事直長正七

品右屬宣徽院○大樂署兼鼓吹令一人從六品丞從七品掌

施用之法樂右屬太常寺

謹案金史凡儀衛執仗之士其名有六曰護衛曰親軍

曰弩手曰控鶴曰傘子曰長行分隸於殿前司及宣徽

院蓋如今鹵簿之制以親軍護軍及各校尉分司執事

也

元

〔元史百官志〕拱衛直都指揮使從四品掌控鶴六百餘戶

及儀衛之事至元三年始置都指揮使一員副使一員鈐

轄一員提控案牘一員十六年陞正三品隸宣徽院二十

年復為從四品二十五年改隸禮部元貞元年陞正三品

皇慶元年置經歷一員二年改鈐轄為僉事至順二年定

置達魯噶齊解見戶部篇一員正四品都指揮使四員正三品

副指揮使二員從三品僉事二員正四品經歷一員從七

品知事一員從八品令使八人譯史一人其屬控鶴百戶

所從七品總十三所儀從庫掌收儀衛器仗大使一員從

七品副使一員從八品

謹案元有儀仗軍据元史所載武宗至大二年十二月

行朝賀禮樞密院調軍一千人備儀仗英宗至治元年

十一月命有司選控鶴衛士及色目漢軍以備鹵簿儀

仗文宗天祿元年十一月親祭太廟用儀仗併五色甲馬軍一千六百五十名仍命洪副使攝折衝都尉提調之是當時亦多出臨事調撥並無定額不必盡取於拱衛直都指揮所屬之六百戶也

明

〔明史職官志〕錦衣衛恆以勳戚都督領之凡朝會巡幸則具鹵簿儀仗率大漢將軍共一千五百七員等待從扈行統中左右前後五所分鑾輿擎蓋扇手旌節幡幢班劍斧鉞戈戟弓矢馴馬十司各領將軍校尉以備法駕馴象所領象奴養象以供朝會陳列駕輦馱寶之事

〔明會典〕吳元年置拱衛司秩正七品後改拱衛指揮使秩正三品尋又改為都尉司洪武三年改為親軍都尉府管左右中前後五衛軍士而設儀鸞司隸焉四年定儀鸞司為正五品設大使一人副使二人十五年罷儀鸞使改置錦衣衛秩從三品其屬有御椅等七員皆正六品設經歷掌文移出入

〔孫承澤春明夢餘錄〕錦衣所掌者乃鹵簿儀仗之事旗手所司者乃旗纛金鼓之物諸衛皆統軍卒而錦衣獨領校尉力士諸衛正倅一惟其世獨錦衣之任則不必世而以能蓋御座則夾陛而立御輦則扶轅以行出警而入蹕承旨而傳宣皆在所司而治獄所寄則又重矣

〔明史職官志〕旗手衛本旗手千戶所洪武十八年改置掌

大駕金鼓旗纛帥力士隨駕宿衛

謹案古者文謂之儀武謂之衛天子車駕次第謂之鹵簿歐陽修謂儀衛鹵簿之設所以尊君而肅臣故宋綏稱唐堯彤車有虞鸞和夏后之綏商人之路輦駕法物其權輿已肇於此至周而巾車司常之屬職掌始著嗣是代有損益大約漢以後之太僕北齊以後之衛尉俱兼司其任至唐宋而儀文更臻詳備然考之於史唐宋法駕鹵簿執掌兵士至用二萬二千二百一十人南宋省約過半猶用六千六百八十九人冗役太多故當時郊祀賞賚靡濫最甚以致惜費憚行相沿成習殊爲繁縟無當明初詔鹵簿彌文務從省節其數視唐宋爲

差少而錦衣掌衛者不惟供清道奉引之職乃復令兼司治獄事得專達中葉以後權勢大張擅竊國威恣行凌虐其權任遠出法司之上流弊至不可勝言而爲之長者反得以恩倖受賞往往加至保傅公侯其權貴子弟冒銜錦衣者至有二三千人歲耗度支無算名器充褻至是爲已極矣我

朝鑿儀衛卽明代錦衣之職而官守嚴肅度數精詳翊奉禮儀無不各共其事凡鹵簿儀仗之制皆經

睿裁考定準今酌古條理得中超三代之隆文昭一王之盛軌列史儀衛志所載固未有如今日之整齊典重者洵足永垂法則焉

欽定歷代職官表卷四十二

太倉錢清貽初校
南海桂 姑覆校
番禺陶福祥再覆校

欽定歷代職官表卷四十三
領侍衛內大臣表

領侍衛內大臣表	
周	宮正
秦	郎中令
漢	光祿勳
後漢	光祿勳
三國	光祿勳
晉	領軍將軍 左衛將軍 右衛將軍
宋齊	領軍將軍 左衛將軍 右衛將軍
梁陳	領軍將軍 左衛將軍 右衛將軍
北魏	領軍將軍 左衛將軍 右衛將軍
北齊	領軍將軍 左衛將軍 右衛將軍
隋	柱國 左右衛將軍 左右衛大將軍
唐	左右衛大將軍 左右衛將軍 左右衛大將軍
宋	殿前都指揮使 殿前都指揮使 殿前都指揮使
遼	殿前都指揮使 殿前都指揮使 殿前都指揮使
金	殿前都指揮使 殿前都指揮使 殿前都指揮使
元	殿前都指揮使 殿前都指揮使 殿前都指揮使
明	殿前都指揮使 殿前都指揮使 殿前都指揮使

廣雅書局印

周 虎賁氏 中士 旅賁氏 中士	中郎 車郎 騎郎	五官中 郎 左署中 郎 右署中 郎	細鑿將 羽林中 郎 羽林郎 督 刀劍備 率倅長 右旅賁 率倅長 右驍騎 率倅長 右羽林 率倅長	親衛府 左右郎 將	殿前司 宿直將 殿前左 衛副將 殿前右 衛副將 衛副知 指揮同	大洗將 軍 紅盔將 軍 明甲將 軍 帶刀官 勸衛散 騎舍人
旅賁氏 下士	五官侍 五官侍 郎 左署侍 郎 右署侍 郎	五官侍 郎 左署侍 郎 右署侍 郎	將 宿衛軍 督 率倅長 右羽林 率倅長	殿前司 宿直小 左右衛 直將軍 前後五 指揮 衛軍事	殿前司 宿直將 殿前左 衛副將 殿前右 衛副將 衛副知 指揮同	大洗將 軍 紅盔將 軍 明甲將 軍 帶刀官 勸衛散 騎舍人

藍翎侍衛	親軍校	五官郎 五官郎 中 左署郎 中 右署郎 中	刀戲左 羽林中 郎 戰備虎 身 刀劍備 率倅長 右羽林 率倅長	親衛府 校尉旅 帥隊正 司戈長 上執戰 長	殿前司 宿直將 殿前左 衛副將 殿前右 衛副將 衛副知 指揮同	大洗將 軍 紅盔將 軍 明甲將 軍 帶刀官 勸衛散 騎舍人
藍翎侍衛	親軍校	五官郎 五官郎 中 左署郎 中 右署郎 中	刀戲左 羽林中 郎 戰備虎 身 刀劍備 率倅長 右羽林 率倅長	親衛府 校尉旅 帥隊正 司戈長 上執戰 長	殿前司 宿直將 殿前左 衛副將 殿前右 衛副將 衛副知 指揮同	大洗將 軍 紅盔將 軍 明甲將 軍 帶刀官 勸衛散 騎舍人

職官表卷四十一 親衛府內大臣表

侍衛處主事 侍衛處筆帖式

侍衛	領軍長領軍長二衛主領軍長	領軍長左右衛侍衛都殿前司	殿前司五衛經京衛經
衛	史 史 簿 史 史	史 等府長孔目官承勾押	點檢判廳 廳
處	左右衛領軍司宿衛軍領軍司	侍衛孔官	
主	長史馬 司馬 馬	侍衛司	
事	領軍司領軍功 領軍功	承勾押	
	馬 曹 領軍功		
	左右衛領軍主 領軍主		
	司馬 簿 領軍功		
	曹 左右衛 功曹		
	左右衛 領軍主 簿		
	左右衛 領軍主 簿		
	宿衛軍領軍錄		
	史 虎營軍 書令吏		
	左右衛 等府錄		
	殿前司五衛錄		
	點檢知事		

領侍衛內大臣

國朝官制

三旗領侍衛內大臣六人 正一品鑲黃正黃正白三旗每旗各二人 內大臣六人 從

散秩大臣無定員 一品班次從二品衛三品俸

領侍衛內大臣掌統領侍衛親軍與內大臣散秩大臣俱

先後

宸御左右翊衛出入扈從

國初以八旗將士平定海內鑲黃正黃正白三旗皆

天子所自將爰掄其子弟命曰侍衛用備隨侍宿直統以勳威

大臣而宗室之秀外藩之侍子亦咸得以選預環列焉凡

輪直殿庭以領侍衛內大臣等總統之若祭祀

廣雅書局 廣雅書局 廣雅書局

朝會燕饗

時巡

大閱則率其屬以執事領侍衛內大臣皆由

特簡內大臣亦如之散秩大臣由

特恩簡授無定額其勳舊後裔世襲者以次承襲

御前侍衛

乾清門侍衛俱無定員於三旗侍衛內擢用一等待衛三旗六十人宗室

九人正三品二等待衛三旗一百五十人宗室十八人正四品三等

侍衛三旗二百七十人宗室六十三人正五品藍翎侍衛三旗九

十人正五品漢人侍衛無定員分一二三等及藍翎侍衛品秩俱同

掌宿衛扈從更番輪直凡六班班分兩翼宿衛

乾清門

內右門

神武門

寧壽門為內班宿衛

太和門為外班

行幸駐蹕宿衛如

宮禁之制扈從前導領侍衛內大臣侍衛班領帶領執豹尾

槍侍衛佩長把刀侍衛扈從隨行侍衛班領委署侍衛班

領侍衛按隊扈從隨行其散秩大臣侍衛什長帶領執纛

親軍扈從隨行

大閱則按隊環衛各共其事其分司執守者有粘杆處侍衛三

十四人上駟院侍衛二十四人養鷹狗處侍衛九人善撲處武備院及諸達侍衛無定員皆統於三旗員額順治初以漢蔭生簡選侍衛尋罷康熙二十九年以武進士之爛騎射者擢置侍衛附于三旗三十七年設宗室侍衛雍正三年于藍翎侍衛中選其材技為四等侍衛後仍為藍翎侍衛五年定制武進士一甲一名授一等侍衛二名三名授二等侍衛在二甲者得選三等侍衛三甲者選藍翎侍衛七年以宗室侍衛併入三旗舊設三旗印務班領十二人班領十二人乾隆三十六年改印務班領為一等侍衛班領為二等侍衛凡侍衛十八則設之長三旗侍衛什長六十人宗室侍衛什長九人

親軍校鑲黃旗二十五人正黃旗二十六人正白旗二十五人
正六品

掌率其屬隨侍衛以執事所轄藍翎長三旗各八人親軍鑲黃旗二百七十七人正黃旗二百九十五人正白旗二百八十七人舊設親軍校四十五人後增置乾隆四十年增委署親軍校七十七人鑲黃旗二十五人正黃旗正白旗各二十六人主事一人署主事二人於筆帖式內題署筆帖式三旗各四人貼寫筆帖式三旗各九人

掌章奏案牘繙譯文移

歷代建置

三代

周禮天官宮正上士二人中士三人下士八人府二人史

四人胥四人徒四十人掌王宮之戒令糾禁以時比宮中

之官府次舍之眾寡賈公彥疏以時校比官府在宮中者及宿衛者宮伯中士二

人下士二人府一人胥二人徒十人掌王宮之士庶子凡

在版者授八次八舍之職事鄭康成注伯長也衛王宮者必居四角四中于徽侯便也

鄭司農云庶子衛王宮在內為次在外為舍

鄭康成周禮藁人注卿大夫士之子弟宿衛王宮

王應麟玉海魯公之子伯禽衛康叔之子牟齊太公之子

伋俱事成王伯禽牟伋蓋宿衛國子也

毛應龍周官集傳陳傅良曰環衛有二其一是一是公卿大夫

之子弟分置八隅宮伯領之一是凡宮中官府之徒役錯

置於庶子八次八舍之間宮正領之皆屬冢宰宮伯所掌

在漢時為郎衛屬郎中令宮正所掌在漢為兵衛屬衛尉

葉時禮經會元宮正宮伯所掌皆郎衛也官府次舍在宮

中有故而令宿者宮正掌之卿大夫之嫡子庶子入衛王

宮者宮伯掌之眠朝則司士正其儀大事則諸子掌其政

此入直環列之衛也虎士八百人先後王而趨以卒伍居

則守王宮舍則守王閑眠朝則在路門之右虎賁氏掌之

而旅賁氏屬焉此奔趨擁護之衛也

謹案周制以宮正為王宮宿衛官之長而宮伯掌宿衛

士庶子以環侍周廬大抵非王族即功臣之後俾親勳

世胄執戈戟以宿直王宮無腹心之虞而有承弼之益

於灋制最稱詳審秦漢以後此制既廢環衛官多失其職我

朝以上三旗子弟充選侍衛而領以勳戚重臣規則昭垂蓋鑿周典而益加精密矣今以侍衛官制準之周禮宮正當如今之領侍衛內大臣宮伯當如今之內大臣而宮伯所領衛士在王宮之四角四中分置八隅則又兼近今護軍統領之職蓋當時宿衛者皆統於一官無所區別也

尚書小序武王戎車三百兩虎賁三百人戰于牧野孔安國傳勇士稱也若虎賁言其猛也

孟子武王之伐殷也革車三百兩虎賁三千人趙岐注虎

賁武士黃震曰鈔三千人書序作三百傳聞異辭

周書立政王左右常伯常任準人綴衣虎賁孔安國傳虎賁以勇力事王皆左右近臣宜得其人

周禮夏官虎賁氏下大夫二人中士十有二人府二人史二人胥八十人虎士八百人掌先後王而趨以卒伍軍旅

會同亦如之舍則守王閑王在國則守王宮賈公彥疏在為周衛在國外守王閑則亦為周衛也旅賁氏中士二人下士十有六人史二人徒

二人掌執戈盾夾王車而趨左八人右八人車止則持輪凡祭祀會同賓客則服而趨鄭康成注夾王車者其下士也下士十有六人中士為之

帥焉

王與之周禮訂義胡安國曰康王初立太保俾齊侯呂伋

戡官表卷四十三 領侍衛內大臣 廣雅書局

以虎賁百逆于南門外，太公望子以勳德，世臣總司禁旅，虎賁勇士宿衛王宮，其為國家計深遠矣。

國語魯語天子有虎賁習武訓也。韋昭注訓教也。虎賁掌先後王而趨舍，則守王閉在國，則守宮門，所以習武教也。謹案周之虎賁旅賁有下大夫中士下士之別，與今侍衛分頭二三等及藍翎者最為脗合。又夏官司士云：虎士在路門之右，司戈盾云：授旅賁及虎士戈盾，亦與今侍衛職掌相同。至齊侯呂伋以王室懿親，爵列公侯，入典禁旅，則正今領侍衛內大臣之職所由昉也。

韓非子說疑凡術也者，主之所執也。灋也者，官之所師也。然使郎中日間道於郎門之外，以至於境內，日見灋，又非其難者也。外儲說郎中皆曰：兵秋起，攻韓犀首為將，於是日也。郎中盡知之，於是日也。境內盡知之。

謹案秦王與犀首計攻韓，樗里疾道穴聽之，則其地亦甚密矣。而郎中皆知之，則秦之郎中侍左右可知。漢三署郎職掌益倣乎此。又考韓非子內儲說齊中大夫有夷射者，御飲於王，醉甚而出，倚於郎門，門者別跪進曰：足下無意賜之餘瀝乎？夷射曰：叱去刑餘之人何事？乃敢乞飲長者，則跪走退。及夷射去，別跪因捐水。郎門雷下類溺者之狀。外儲說晉文公曰：吾民之有喪資者，寡人親使郎中視事，有罪者赦之，貧窮不足者與之戰國。趙策趙王有此尺帛，何不令前郎中以為冠？王郎中不

知為冠補註曰郎中官不獨秦淮南子人間訓楚令尹子國伏郎尹而答之三百註郎尹主郎官之尹也據此則春秋戰國時齊楚晉趙諸國皆有郎署官明矣其以郎中為近侍之臣則又秦制之所自昉也

秦

顏師古急就篇注郎中令掌宮殿門戶及從官秦所置

謹案郎中令之官始於秦時而秦始皇本紀又有近官三郎之稱司馬貞索隱云三郎謂中郎外郎議郎是秦亦有三署郎與漢制相仿特史文不備耳

漢

漢書文帝本紀皇帝即日夕入未央宮夜拜宋昌為衛將軍領南北軍張武為郎中令行殿中

漢書張安世列傳更為衛將軍兩宮衛尉城門北軍兵屬焉

焉

史記周勃世家拜勃為虎賁令

班固西都賦虎賁綴衣闈尹闈寺陛戟百重各有典司李

善注尚書周公曰綴衣虎賁漢書曰太后盛服坐武帳武

士陛戟陳列殿下也

漢書百官公卿表郎中令秦官

臣瓚注主郎內諸官故曰郎中令

掌宮殿

掖門戶有丞武帝太初元年更名光祿勳

胡廣曰勳之言闈也闈者古主

門官也光祿主宮門

屬官有大夫郎又期門羽林皆屬焉大夫掌議

論有太中大夫中大夫皆無員多至數十人太初元年更

我官表卷四十三 領侍衛內大臣

廣雅書局聚

名中大夫為光祿大夫秩比二千石太中大夫秩比千石如故郎掌守門戶出充車騎有中郎侍郎郎中皆無員多至數千人中郎秩比六百石郎中比三百石中郎有五官左右三將秩皆比二千石郎中有車戶騎三將秩皆比千石期門掌執兵送從武帝建元三年初置比郎無員多至千人有僕射秩比千石平帝元始元年更名虎賁郎置中郎將秩比二千石羽林掌送從次期門武帝太初元年初置名曰建章營騎後更名羽林騎又取從軍死事之子孫養羽林官教以五兵號曰羽林孤兒羽林有令丞宣帝令中郎將騎都尉監羽林秩比二千石

祿勳

程大昌雍錄張安世持橐籥筆事孝武皇帝十數年此卽今世侍從之事也蓋安世嘗為光祿勳

揚雄光祿勳箴經兆宮室畫為中外廊殿門闔限以禁衛國有固衛人有藩籬各有攸保守以不岐昔在夏殷桀紂淫酒持牛之飲門戶荒彌郎雖執戟謁者參差殿中成市或室內鼓鞀忘其廊廟而聚失逋迹四方多罪載號載呶內不可不省外不可不清德人立朝義士充庭祿臣司光敢告執經

惠士奇禮說周之內宰猶漢之內卿內卿光祿也漢初為郎中令後轉為光祿勳其府在宮中故曰內卿胡廣曰勳

職官表卷四十三 領侍衛內大臣 廣雅書局印

之言闈也闈者古王門官光祿寺宮門故曰勳然則古勳
闈通矣易艮卦九三厲熏心虞翻云古闈字作熏艮爲闈
坎盜動門故厲闈心書曰獸黥詩云昏椽椽與獸通去陰
之刑也故箋云昏官名椽奄人韓詩曰若無此皐勳胥以
痛勳猶昏也言天昏札瘥相灑汗而病漢書贊云嗚呼史
遷熏胥以刑蓋謂腐刑卽詩所謂昏椽也爾雅昏爲強力
勳爲功營故勳昏通用之昏人屬內宰司昏守夜給使省
闈亦不全用宦者而漢光祿勳掌期門羽林卽內宰之人
民也期門掌執兵送從羽林次之又取死事之孤養之羽
林名曰孤兒如周之死政之孤司門以其財養之者養孤
而兼及其老則周之忠厚踰於漢矣

雍錄漢世之謂侍從者以其職掌近君也行幸則隨從在
宮則陪侍故總撮凡最而以侍從名之也武帝之詔嚴助
曰君厭直承明之廬勞侍從之事助時爲中大夫是之謂
中朝臣中朝臣者唐以來名內諸司也謂其職任得在內
朝故皆冠以中字也

謹案中大夫屬於光祿勳者也以其近侍左右故謂之
中朝臣考管子山權數賜若服中大夫注若汝也中大
夫齊魯也韓非子外儲說王登爲中牟令上言於襄王
曰中牟有士曰中章胥己者其身甚修其學甚博君何
不舉之主曰子見之我將爲中大夫相室諫曰中大夫
晉重列也今無功而受非晉臣之意漢世中大夫之名

廣雅書局
領侍衛內大臣
廣雅書局

蓋昉於此

宋書百官志中散大夫平帝時置

漢書如淳注郎中令主郎中左右車將主左右車郎左右

戶將主左右戶郎

漢書蓋寬饒列傳遷諫大夫行郎中戶將事顏師古注郎

中令屬官有郎中戶將主戶衛也

漢書楊惲列傳補常侍騎

顏師古注為騎郎而常侍故謂之常侍騎也

遷中郎

將郎官故事令郎出錢市財用給文書乃得出名曰山郎

移病盡一日輒償一沐或至歲餘不得沐其豪富即日出

遊戲或行錢得善部貨賂流行轉相倣效惲為中郎將罷

山郎移長度大司農以給財用其疾病休謁洗沐皆以灑

令從事郎官莫不自厲絕請謁貨賂之端宮殿之內翕然

同聲由是擢為諸吏光祿勳親近用事

漢書王嘉列傳以明經為郎坐戶殿門失闕免光祿勳子

永除為掾

漢書蕭由列傳為衛將軍掾

漢書東方朔列傳武帝微行常用飲酎已八九月中與侍

中常侍武騎及待詔隴西北地良家子能騎射者期諸殿

門故有期門之號

錢文子補漢兵志期門至千人或曰三百人羽林七百人

或曰羽林郎百一十八人左右騎各八九百人皆以三輔

六郡良家子補期門羽林

職官表卷四十三 領侍衛內大臣

廣雅書局

漢書地理志武帝選天水隴西安定北地上郡西河凡六郡補羽林以材力爲官名將多出焉

陳元粹補漢兵志注漢舊儀羽林從官百人取三輔良家子自給鞍馬按漢用六郡良家補羽林期門蓋三輔園陵賴爲藩蔽趙充國傳以六郡良家子善騎射補羽林甘延壽傳少以良家子善騎射爲羽林

漢書霍光列傳羽林監任勝

謹案漢京師有南北軍之屯南軍衛尉主之掌宮殿門衛屯兵當如今之護軍統領北軍中尉主之掌巡徼京城當如今之提督九門步軍巡捕五營統領而光祿勳統三署諸郎專司殿內門舍則正如今之領侍衛內大

臣故易被謂光祿勳乃親近天子之官別爲一府非卽南軍而漢書儒林傳稱光祿勳王龔以外屬內卿如淳注謂光祿勳治宮中故稱爲內卿者是也其所謂三署諸郎乃五官中郎將左中郎將右中郎將所屬而別有郎中車戶騎三將亦率車郎戶郎騎郎以隸於光祿勳皆卽今之侍衛漢書趙廣漢傳富人蘇回爲郎二人劫之廣漢曉賊曰此宿衛臣也是其明證而又有光祿大夫太中大夫中散大夫等皆無員額惟入直禁廷以聽任使則頗近今之散秩大臣當時郎選皆以明經孝廉賢良方正及衣冠子弟充之故劉向揚雄皆嘗執戟宿衛說者謂其猶有三代遺制惟武帝以後增置羽林期

門始以六郡良家材力勇健者充其選觀霍光傳載太后坐武帳中期門武士陛戟陳列殿下則其職亦最為親近故一時名將多出其中蓋頗近今之

御前侍衛

乾清門侍衛矣

後漢書百官志光祿勳卿一人中二千石掌宿衛宮殿門戶丞一人比千石五官中郎將一人比二千石主五官郎五官中郎比六百石五官侍郎比四百石五官郎中比三百石皆無員凡郎官皆主更直執戟宿衛諸殿門出充車騎左中郎將比二千石主左署郎中郎侍郎郎中比三百石皆無員右中郎將比二千石主右署郎中郎侍郎郎中

比三百石皆無員虎賁中郎將比二千石主虎賁宿衛左右僕射左右陞長各一人比六百石僕射主虎賁郎習射陞長主直虎賁朝會在殿中虎賁中郎比六百石虎賁侍郎比四百石虎賁郎中比三百石節從虎賁比二百石皆無員掌宿衛侍從羽林中郎將比二千石主羽林郎羽林郎比三百石無員掌宿衛侍從常選漢陽隴西安定北地上郡西河凡六郡良家補本武帝以便馬從獵還宿殿陛巖下室中故號巖郎羽林左監一人六百石主羽林左騎丞一人羽林右監一人六百石主羽林右騎丞一人光祿大夫比二千石太中大夫千石中散大夫六百石無員凡大夫皆掌顧問應對無常事唯詔命所使凡諸國嗣之喪

職官表卷四十三 領侍衛內大臣 廣雅書局

則光祿大夫掌弔

後漢紀光武紀李通為光祿勳

洪适隸續司徒掾梁休碑仕郡歷五官闕下遂察孝廉除郎

中光祿主闕辟司徒府光祿雖有主簿而戴就傳云舉孝

廉光祿主事注引風俗通云光祿奉肸上就為主事此碑

光祿主之下未可斷以為簿也

王楙野客叢書陳蕃為光祿勳范滂為主事以公儀詣蕃執版入閣至坐蕃下奪滂版滂投版振衣而起郭泰責蕃曰以級階言之滂宜有敬以類數推之至閣而省敬止在門漢世三公之禮與百僚絕席如此之異至入坐之禮則殺矣此有以見其大略沈約宋書亦嘗引以為言

謹案光祿勳主事主簿之名可以補後漢志之闕

錢文子補漢兵志中興以五官左右虎賁郎將併將中郎侍郎郎中而廢車戶騎三將

杜佑通典虎賁中郎將主虎賁宿衛冠插兩鵝尾紗縠單衣虎文錦袴有虎賁中郎虎賁侍郎虎賁郎中節從虎賁皆父死子繼若死王事亦如之

後漢書陰興列傳興為黃門侍郎守期門僕射將武騎從征伐平定郡國興每從出入常操持小蓋障翳風雨躬履塗泥率先期門

張衡東京賦郎將司階虎戟交鍛李善注言虎賁中郎將主夾階而立虎賁或執戟或持鍛而相對也交鍛謂交加

而設兵器也

謹案後漢光祿勳所屬惟省車戶騎三將其三署郎及虎賁羽林之制一如西京後漢書禮儀志載國有大事虎賁羽林郎中署皆嚴宿衛五官左右虎賁羽林五將各將所部執虎賁戟屯殿端門陞左右廂又章懷太子注引蔡質漢儀天子幸德陽殿臨軒虎賁羽林弧弓撮矢陞左右戎頭偃脰陪前向後左右中郎將住東西羽林虎賁將住南北五官將住中央据此則五官左右虎賁羽林五將皆有今侍衛之職而馬第伯封禪儀記云車駕宿奉高遣虎賁郎將先上山案行國家升山在臺上北面虎賁陞戟臺下則又如今之前導後扈也又考

後漢郎將多典兵漢紀靈帝紀中郎將盧植左中郎將皇甫嵩右中郎將朱雋各持節征黃巾獻帝紀東中郎將董越屯澠池中郎將牛輔屯安邑其餘中郎校尉布在諸縣不可勝紀而當時又有使匈奴中郎將鮮卑中郎將則中郎將又多用以典邊兵蓋禁衛近臣奮武之外可備腹心之寄也

三國

三國蜀志先主列傳光祿勳黃權

常璩華陽國志光祿大夫義陽來敏

三國蜀志杜微列傳遷諫議大夫五官中郎將

三國蜀志秦宓列傳尋拜左中郎將

三國蜀志董允列傳允遷爲侍中領虎賁中郎將統宿衛親兵

謹案建安二十六年蜀黃龍甘露碑載五官中郎將一人碑陰載中郎將十三人考續漢百官志五官中郎將一人左中郎將右中郎將虎賁中郎將皆不著員數是碑建於建安二十六年而同時稱中郎將臣者十三人以無常員故也至稱五官中郎將者止一人與漢志所云卿一人者合故知蜀承漢制也

華陽國志常勗州命辟從事入爲光祿郎中主事。何隨郡辟功曹州命辟從事光祿郎中主事除安漢令蜀亡去宮。董允嘗與典軍義陽胡濟大將軍禕共期遊宮命駕將出郎中襄陽董恢造允修敬自以官卑年少求去

三國蜀志向郎傳朗兄子寵爲中部督典宿衛兵

三國蜀志後主列傳殿中督張通

謹案蜀漢宿衛之官其制皆沿漢舊惟中部督殿中督諸名漢制未見爲蜀所創設蓋亦宿衛之長也

三國魏志許褚列傳褚遷武衛中郎將武衛之號自此始也文帝踐祚遷武衛將軍都督中軍宿衛禁兵甚親近焉通典建安末改光祿勳爲郎中令魏黃初元年復爲光祿勳

洪适隸釋魏公卿上尊號奏有郎中令臣洽彭城之內有漢司徒袁安魏中郎徐庶等數碑

三國魏志張遼列傳黃初三年選朝洛陽以遼所從破吳軍應募步卒皆為虎賁

曹植謝賜柰表殿中虎賁傳詔賜臣等冬柰一奩

宋書百官志冗從僕射魏世置

謹案曹魏始置武衛將軍以統宿衛禁兵蓋即今領侍衛內大臣之職其冗從僕射當如今散秩大臣之職至光祿勳雖尚沿舊制而其職既分事權不屬僅存虛名宜至晉而宮門屯衛遂專屬之左右衛矣

三國吳志三嗣主列傳永安元年武衛將軍恩為御史大夫

三國吳志孫綝列傳使光祿勳孟宗告廟

三國吳志三嗣主列傳太平元年五官中郎將刁元告亂於蜀

三國吳志樓元列傳孫皓用元為宮下鎮禁中候主殿中事元從九卿持刀侍衛王身率眾奉灋而行

謹案武衛將軍魏所創置而吳亦有之蓋即襲用魏制至宮下鎮禁中候其官前未經見當亦勅設於吳權樓元持刀侍衛則職甚親近疑即漢之虎賁羽林郎將也

晉

胡三省資治通鑑注晉武帝受禪置中軍將軍統宿衛七軍尋罷已而復置

晉書職官志中領軍將軍魏官也文帝始置武帝初省使

職官表卷四十二 領侍衛內大臣 廣雅書局 宋

中軍將軍羊祜統二衛前後左右驍衛等營卽領軍之任也懷帝永嘉中改中軍曰中領軍江右以來領軍不復別領營總統二衛驍騎材官諸營資重者爲領事資輕者爲中領軍屬官有長史司馬功曹主簿五官左右衛將軍文帝初置中衛及武帝受命分爲左右衛以羊琇爲左趙序爲右並置長史司馬功曹主簿員江左罷長史

通典魏末晉文王置中衛將軍武帝受禪分中衛爲左右衛將軍並置佐史皆掌宿衛營兵銀章青綬武冠絳朝服佩水蒼玉

宋書百官志殿中將軍殿中司馬督晉武帝時殿內宿衛號曰三部司馬置此二官分隸左右二衛江左初員十人

朝會宴饗則將軍戎服直侍左右夜關城諸門則執白虎旛監之

晉書職官志陳騶爲殿中典兵中郎將遷將軍

晉書王遜列傳轉殿中將軍

晉書職官志光祿勳統虎賁中郎將羽林郎將哀帝興寧二年省孝武寧康元年復置

冊府元龜光祿勳晉後不復居禁中又無三署郎唯外官朝會則名列焉爾後雖取漢代舊名其職則別矣

謹案晉以領護左右衛驍騎游擊爲六軍而領軍及左右衛專司宿衛禁兵實卽今領侍衛內大臣之職其殿中將軍殿中典兵中郎將殿中司馬督則卽今之侍衛

也至光祿勳雖沿故號而不復居於禁中已非漢制之舊至北齊而遂為典膳之官今並別載入光祿寺篇不著於此表以符其實云

宋齊梁陳

宋書百官志領軍將軍一人掌內軍左衛將軍一人右衛將軍一人掌宿衛營兵左中郎將右中郎將虎賁中郎將冗從僕射羽林監先各置一人宋太宗太始以來多以軍功得此官今無復員殿中將軍殿中司馬督江左初員十人宋高祖增為二十人其後過員者謂之殿中員外將軍司馬督其後並無復員武衛將軍無員宋世祖大明中復置代殿中將軍之任

宋書文帝本紀元嘉元年南蠻校尉到彥之為中領軍

胡三省資治通鑑注江左以直閣將軍出入省閣總領宿衛又宿衛之官有細鎧主細鎧將細仗主等又隊有隊主副仗有仗主副

南史王敬則列傳補刀戟左右宋前廢帝使敬則跳刀撫髀拍張甚為儼捷補俠較隊主領細鎧左右明帝以為直閣將軍

司馬光資治通鑑宋文帝元嘉二十八年殿上將軍黃延

年胡三省注殿上將軍當是宋置元嘉三十年齋帥張超之胡三省注齋帥主齋內仗武帝大明二年虎賁主龐孟蚪胡三省注虎賁主

南齊書百官志領軍將軍中領軍為中小輕司一官也置

長史司馬五官功曹主簿左右二衛將軍置司馬次官功曹主簿以下左右二中郎將虎賁中郎將兗從僕射羽林監殿中將軍員外殿中將軍殿中司馬督武衛將軍自二衛以下謂之西省

南史茹灋亮列傳直後徐僧亮

南齊書茹灋珍列傳徐世檮自殿內主帥為直閣將軍

隋書百官志梁武受命官班多同宋齊之舊領軍左右衛將軍左右中郎將虎賁從羽林三將軍殿中將軍武騎之職皆以司分丹禁侍衛左右天監六年置左右驍騎左右游擊將軍位視二率又置朱衣直閣將軍以經為方牧者為之其以左右驍游帶領者量給儀從陳承梁皆循其

制官

資治通鑑梁承聖元年以兄子項為領直

胡三省注梁宿衛之官有四廂

領直蓋領直衛之士因以名官

隋書韋載列傳永定元年遷驍騎將軍領朱衣直閣驍騎之職舊領營兵兼統宿衛自梁代以來其任逾重出則羽儀清道入則與二衛通直臨軒則陞殿夾侍時人號之曰夾御將軍

謹案江左諸朝皆以領軍中領軍及左右二衛統領宿衛禁兵而梁陳以後令驍騎游擊將軍兼朱衣直閣與二衛通直則亦今內大臣之任至南史載宋蕭疑以侍中總宮內直衛王敬則以輔國將軍領臨淮太守知殿

內宿衛兵事皆以他官兼領則事出一時非常制也又直閣將軍殿上將軍鎧主隊主仗主虎賁主殿內主帥齋帥四廂領直直後等官皆不見於史志蓋俱侍衛之職特因所掌而異其名耳

北魏

魏書官氏志驃騎將軍車騎將軍衛將軍第一品下左衛將軍從二品上武衛將軍右衛將軍從二品下羽林中郎將第三品下羽林中郎將從第四品上戟楯虎賁將軍募員虎賁將軍從第四品下虎賁司馬虎賁郎將宿衛軍將從第五品上羽林郎從第五品中戟楯虎賁司馬募員虎賁司馬高車虎賁司馬戟楯虎賁將募員虎賁

將高車虎賁將高車羽林郎從第五品下二衛主簿宿衛統虎賁郎從第六品上戟楯虎賁募員虎賁高車虎賁從第六品下宿衛幢將從第七品上宿衛軍司馬宿衛軍吏第九品上虎賁軍書令史第九品下

楊銜之洛陽伽藍記御道東有左衛府御道西有右衛府冊府元龜魏以驃騎車騎武衛為三將軍分掌禁旅當爪牙禦侮之寄

魏書于烈列傳除領軍將軍咸陽王禧求羽林虎賁執仗烈曰領軍但知典掌宿衛理無私給

洛陽伽藍記景仁會稽山陰人也正光年初從蕭保夤歸化拜羽林監

資治通鑑宋元嘉三年魏內三郎豆代田

胡三省注魏宿衛之官也三郎

將領之又案魏道武帝天興初置幢主幢將主內三郎內三郎衛士也

元嘉七年魏加豆代

田散騎常侍右衛將軍領內都幢將

胡三省注百人為幢幢有帥柔然之濃也

魏幢將主三郎衛士直宿禁中者自侍中以下中散已上皆統之

元嘉十一年魏入內行

長代人陳建

胡三省注入內行長魏官也蓋選勇力之士入直禁中行長則其部帥也

元嘉二

十七年魏擒王羅漢使三郎將守之

胡三省注三郎將蓋主內三郎

二十九年魏羽林郎中代人劉尼殿中尚書源賀俱典兵

宿衛

胡三省注羽林郎自漢以來有之漢羽林郎秩比三百石郎中可以概推矣魏以劉尼為羽林郎中與殿

中尚書俱典兵宿衛則其位任蓋重於漢朝也梁普通二年魏以奚難當為千牛

備身

胡三省注御左右有千牛刀謂之防身刀千牛備身執千牛刀以待左右者也

魏直後元思

胡三省注直後輔官直閣之屬也

魏書爾朱榮列傳以榮為領左右

胡三省注通鑑注領左右千牛備身也

魏書爾朱世隆列傳肅宗末為直齋轉直寢後兼直閣加

前將軍

魏書崔孝直列傳為宣威將軍仍以本官入領直後

謹案冊府元龜稱魏驃騎車騎武衛為三將軍分掌禁

旅然考之於史魏世專司宿衛者仍屬領軍左衛右衛

三官通鑑載魏廣平王懷至太極西廡呼侍中領軍黃

門二衛胡三省謂此二衛即左右衛將軍而魏書載于

烈于忠父子世為領軍將軍總率禁衛者是也其驃騎

車騎雖嘗為領軍加官而實非宿衛之本職冊府元龜

蓋考之未審矣至領左右一官吏志失載而爾朱榮高

歡等皆嘗以宰輔兼之則其職較重當亦如今之領侍衛大臣也

〔洛陽伽藍記〕惟中大夫楊元愼給事中大夫王昫是中原士族

謹案北魏猶存中大夫之名其云給事中大夫則猶給事中禁也與漢光祿勳所屬者職掌尚同

北齊

〔隋書百官志〕後齊領軍府將軍一人掌禁衛宮掖朱華閣外凡守衛官皆主之中領軍亦同有長史司馬功曹五官主簿錄事釐其府事又領左右衛領左右等府左右衛府將軍各一人掌左右廂所主朱華閣以外各武衛將軍二

人貳之直閣屬官有朱衣直閣直閣將軍直寢直齋直後之屬又有武騎雲騎將軍各一人驍騎游擊前後左右等四軍將軍左右中郎將各五人虎賁中郎將羽林監各十五人穴從僕射三十人騎都尉六十人積弩積射強弩等將軍及武騎常侍各二十五人殿中將軍五十人員外將軍一百人殿中司馬督十五人員外司馬督一百人領左右府有領左右將軍領千牛備身又有左右備身正副都督左右備身五職左右備身員又有刀劍備身正副都督刀劍備身五職刀劍備身員又有備身正副督備身五職員

〔北齊書高歸彥列傳〕除領軍大將軍領軍加大自歸彥始

也乾明初拜司徒仍總知禁衛

謹案北齊以領軍府總左右衛及領左右二府之事是領軍獨專宿衛之司其職甚重故當時如平秦王歸彥瑯邪王儼等皆以懿親爲之蓋領軍如今領侍衛大臣而左右衛將軍領左右將軍則其副也至領軍因平秦王歸彥始加大字而瑯邪王儼傳又有右衛大將軍趙元偁其人則是左右衛後亦並加大字蓋其委寄亦不亞於領軍矣

後周

〔周書趙貴獨孤信列傳〕初魏拜爾朱榮柱國大將軍魏文帝復以太祖爲之自大統十六年以前任者八人太祖位總百揆廣陵王欣從容禁闈此外六人各督二大將軍分掌禁旅

〔胡三省資治通鑑注〕周置左右宮伯掌侍衛之禁各更直於內小宮伯貳之臨朝在前侍之首行則夾路車左右通典從周官品正五命天官左右宮伯中大夫正四命天官小左宮伯下大夫虎賁給事正三命天官小右宮伯夏官右虎賁率右旅賁率右驍騎率右羽林率等上士正二命夏官右虎賁率右旅賁率右驍騎率右羽林率倅長等中士

謹案後周以左右宮伯掌侍衛之禁令蓋仿周官而設當如今之內大臣而柱國大將軍專總禁旅則如今之

職官表卷四十三
隋
領侍衛內大臣也

隋書百官志左右衛大將軍一人將軍二人有長史司馬錄事功倉兵騎等曹參軍濃曹鎧曹行參軍各一人行參軍六人掌宮掖禁禦督攝仗衛又有直閣將軍六人直寢十二人直齋直後各十五人並掌宿衛侍從武騎常侍十人殿內將軍十五人員外將軍三十人殿內司馬督二十人員外司馬督四十人並以參軍府朝出使勞問左右領左右府各大將軍一人將軍二人掌侍衛左右供御兵仗領千牛備身十二人掌執千牛刀備身左右十二人掌供御弓箭備身六十人掌宿衛侍從左右領軍府各掌十二

軍籍帳差科辭訟之事不置將軍唯有長史司馬掾屬煬帝改左右衛為左右翊衛領軍為左右屯衛領左右府為左右備身府

謹案隋置十二衛十六府以分司禁旅蓋即唐十六衛之權輿然其職事各有攸分故以今制相準如左右武候近今前鋒營左右監門近今護軍營今已各著於表惟左右衛領左右府專司宿衛侍從正今領侍衛之職而領軍府長史司馬掾屬亦如今侍衛處之有主事筆帖式也

唐

新唐書百官志左右衛上將軍各一人從二品大將軍各

一人正三品將軍各三人從三品掌宮禁宿衛凡五府及外府皆總制焉凡五府三衛及折衝府驍騎番上者受其名簿而配以職皇帝御正殿則守諸門及內廂宿衛仗非上日亦將軍一人押仗將軍缺以中郎將代將軍掌貳上將軍之事

孫逢吉職官分紀左右衛長史各一人從六品上掌制諸曹五府外府稟祿主伍軍團之名數器械車馬之多少小事則專達錄事參軍各二人正八品上掌受諸曹及五府之外事句稽抄目印結紙筆

舊唐書職官志親衛之府一曰親府勳衛之府二曰勳一府曰勳二府翊衛之府二曰翊一府曰翊二府凡五府三衛總四千九百六十三人每府中郎將左右郎將各一人兵曹參軍各一人校尉各五人每校尉有旅帥二人每旅帥各有隊正副隊正各二十人五府中郎將掌領校尉旅帥親衛勳衛之屬宿衛者總其府事左右郎將貳焉番上者以名簿上于大將軍而配以職武德貞觀世重資蔭二品三品子視親衛二品曾孫三品孫四品子職事官五品子若孫勳官三品以上有封及國公子補勳衛及率府親衛四品孫五品及上柱國子補翊衛及率府勳衛勳官二品及縣男以上子若孫補諸衛及率府翊衛每月番上者數千人宿衛內廡及城門給廩食執扇三衛三百人殿中省肄習

唐六典左右衛親勳翊及左右率府親勳及諸衛之翊衛
通謂之三衛擇其資蔭凡左右衛之三衛分爲五仗曰親
仗供奉仗勳仗翊仗散手仗

章如愚山堂考索左右驍衛左右武衛左右威衛左右領
軍衛左右千牛衛上將軍各一人大將軍各一人將軍各
二人掌同左右衛

玉海左右衛以下皆有長史錄事倉曹兵曹騎曹胄曹司
階中候司戈執戟長上

唐六典凡兵士隸衛各有其名左右衛兵曰驍騎威衛兵
曰羽林驍衛兵曰豹騎武衛兵曰熊渠領軍衛兵曰射聲
新唐書百官志左右羽林軍大將軍各一人將軍各三人

掌統北衛禁兵督攝左右廂飛騎儀仗左右龍武軍大將
軍各一人統軍各一人將軍三人掌同羽林

謹案唐之十六衛左右衛左右驍衛左右武衛左右威
衛左右領軍衛左右金吾衛左右監門衛左右千牛衛
是也五府三衛者親衛一府勳衛翊衛各二府是也皆
所稱環衛之官以今制準之惟左右衛掌宮禁宿衛千
牛衛掌侍衛及供御兵仗最與今領侍衛相合他若驍
騎武衛威衛領軍衛雖云掌同左右衛而兼知皇城四
面助鋪則已並有今護軍之職特其官皆以內廂宿衛
爲主故仍係之此表至金吾衛掌巡警監門衛掌諸門
禁衛則職守攸殊今已別繫之步軍護軍各統領表內

又羽林龍武諸軍統北衙禁軍當時號為天子親兵其
領是軍者類多近信之臣正今領侍衛大臣之比今亦
並著於是篇焉

五季

五代會要顯德元年十月上謂侍臣曰侍衛兵士累朝以
來老少相伴強懦不分蓋徇人情不能進練今春高平與
劉崇及蕃軍相遇臨敵有指使不前者苟非朕親當堅陣
幾至喪敗况百戶農夫未能贍一甲士且兵在精不在眾
宜令一一點選精銳者升在上軍懦怯者任從安便度期
可用又不虛費

冊府元龜五代有侍衛親軍指揮使及殿前都點檢殿前

都指揮之職

葉夢得石林燕語侍衛親軍自梁起宣武軍乃以鎮兵因
舊號置在京馬步都指揮使至後唐明宗遂改為侍衛親
軍

五代會要周廣順四年四月改侍衛馬軍曰龍捷左右軍
步軍曰虎捷左右軍殿前始於周世宗顯德元年

歐陽修五代史論侍衛親軍此五代之遺制然原其始微
矣當唐之末方鎮之兵多矣凡一軍有指揮使一人而合
一州之諸軍又有馬步軍都指揮使一人蓋其卒伍之長
也自梁以宣武軍建國因其舊制有在京馬步軍都指揮
使後唐因之至明宗時始更為侍衛親軍馬步軍都指揮

使當是時天子自有六軍諸衛之職六軍有統軍諸衛有將軍而又以大臣宗室一人判六軍諸衛事此朝廷大將天子國兵之舊制也而侍衛親軍者天子自將之私兵也推其名號可知矣天子自為將則都指揮乃其卒伍之都長耳然自漢周以來其職益重漢有侍衛司獄凡朝廷大事皆決侍衛獄是時史宏肇為都指揮使與宰相樞密使並執國政而史宏肇尤專任以至於亡親軍之號始於明宗其後又有殿前都指揮使亦親軍也

五代史景延廣列傳高祖以為侍衛步軍都指揮使又為馬步軍都虞候遷馬步軍都指揮使

五代史劉贊列傳侍衛馬軍指揮使郭崇

五代史孫晟列傳侍衛軍虞候韓通

五代史王章列傳漢高祖典禁兵補章都孔目官

五代史史宏肇列傳侍衛孔目官解暉

謹案五季始改唐制其專司宿衛者以侍衛馬步軍都指揮使侍衛軍都虞候及殿前都指揮使殿前都檢點為之長其下又有指揮使虞候及都孔目等官蓋亦如今領侍衛之職也至十六衛將軍雖有其名但以爲外官加銜蓋名存而實已亡矣

宋

宋史職官志殿前司都指揮使副都指揮使都虞候各一人掌殿前諸班直及步騎諸指揮之名籍凡統制訓練番

職官考卷四十三
衛戍守遷補賞罰皆總其政令而有都點檢副都點檢在都指揮之上後不復置入則侍衛殿陛出則扈從乘輿大禮則提點編排整肅禁衛鹵簿儀仗掌宿衛之事○侍衛親軍馬軍都指揮使副都指揮使副都虞候各一人掌馬軍諸指揮之名籍凡侍衛扈從大禮宿衛所掌如殿前司官○侍衛親軍步軍都指揮使副都指揮使都虞候各一人掌步軍諸指揮之名籍侍衛扈從如殿前司○殿前司有捧日天武左右四廂馬軍有龍衛左右四廂步軍有神衛左右四廂各有都指揮使都虞候指揮使副指揮使都頭副都頭十將將虞候承勾押官

歐陽修歸田錄舊制侍衛親軍與殿前分爲兩司自侍衛

不置馬步軍都指揮使止置馬軍指揮使步軍指揮使以來侍衛一司自分爲二故與殿前司列爲三衛也五代軍制已無典彙而今又非其舊制者多矣○唐制三衛官有司階司戈執戟謂之四色官今三衛廢無官屬惟金吾有一人每日於正衙放朝唱不坐直謂之四色官尤可笑也謹案唐會要載司階中候司戈執戟並天授二年四月五日置蓋卽所謂四色官也唐諸衛皆有之歸田錄謂當時惟有金吾一人謂之四色官考唐六典金吾衛本有此四色官宋時於正衙放朝時猶以金吾一人當之則告朔之羊也

石林燕語殿前司與侍衛司馬軍步軍爲三衛其實兩司

而侍衛司都指揮外又置馬步軍都指揮使耳殿前司亦參馬步軍而總於都指揮使

〔馬端臨文獻通考〕宋承前代之制者有左右金吾衛左右衛上將軍左右驍騎屯衛領軍衛監門衛千牛衛上將軍諸衛大將軍諸衛將軍並為環衛官無定員皆命宗室為之亦為武臣之贈典大將軍以下又為武臣責降散官

〔張邦基墨莊漫錄〕國朝宗室例除環衛裕陵始以非袒免補外官

謹案墨莊漫錄謂國朝宗室例除環衛宋文粹載皇兄皇弟皇姪授環衛官諸語可以考見宋制玉海載元豐二年十六衛大將軍二百九十四員將軍一百六十二

員並宗室蓋猶沿祖宗之制玉海又載太平興國二年安遠節度使向拱換左衛上將軍張承德等皆罷節制歸環衛則以勳臣及戚屬為之矣隆興復祖宗環衛官蓋本此制

〔玉海〕隆興二年五月八日壬辰進呈洪适用操討論環衛官故事湯思退奏環衛唐時有職事本朝無職事祖宗舊制自方鎮罷皆歸環衛先是上欲復祖宗環衛官四月二十六日命學士院討論至是下詔曰祖官選用將帥以崇武節外建方鎮內則環尹品式備具近來久不除授非所以儲才而均任也其依舊制應以材畧聞者令兼領如節度使則領左右金吾衛上將軍承宣使領左右衛上將軍

之類既而閤門條具儀制詔以十員爲額朝參侍殿依御帶例宗室不在此制仍不差戚里及非戰功人著爲令二十五日詔臨安府建第舍以待環衛淳熙四年二月二十三日立環衛官格其灋正任除上將軍遙郡除大將軍正使除將軍副使除中郎將使臣已下左右郎將是時李顯忠首除左金吾衛上將軍上日在內則兼在外則否此正如文臣館閣庶可見人才

謹案宋以殿前司與侍衛馬步司專司宿衛謂之三衛當時稱殿前都指揮使爲殿帥亦曰殿嚴蓋本漢代嚴郎爲名實卽今領侍衛大臣之職特宋制凡內外屯戍之兵皆號禁軍悉以屬之殿前侍衛二司管轄於是遂獨專兵柄則歷代所未有也至環衛諸官僅有其名並無職守已全非隋唐之舊今故不著於表

〔玉海〕崇寧四年二月十日己酉置三衛郎中郎博士二十六日詔三衛郎爲侍郎親衛勳衛翊衛皆有郎中郎

謹案玉海載崇寧四年所置三衛郎中郎博士蓋仿漢三署郎之遺制然徒有虛名不久旋廢故今亦不著於表

〔沈括夢溪筆談〕車駕行幸前驅謂之隊則古之清道也其次衛仗衛仗者視闌入宮門灋則古之外仗也其中謂之禁圍如殿中仗天官掌舍無官則供人門今謂之殿門文武官極天下長人之選八人上御前殿則執鉞立於紫宸

門下行幸則爲禁圍門行於仗馬之前又有衡門十人隊長一人選諸武力絕倫者爲之上御後殿則執撾東西對立於殿前亦古之虎賁人門之類也

遼

〔遼史百官志〕北面御帳官○侍衛司掌御帳親衛之事侍衛太師侍衛太保侍衛司徒侍衛司空侍衛○宿衛司專掌宿衛之事總宿衛事亦曰典宿衛事總知宿衛事同掌宿衛事宿衛官○禁衛局總禁衛事禁衛長○宿直司掌輪直官員宿直之事宿直詳袞宿直都監宿直將軍宿直小將軍宿直官宿直護衛○南面軍官○殿前都點檢司殿前都點檢副點檢同知都點檢○侍衛親軍馬步軍都

指揮使司侍衛親軍馬軍都指揮使司侍衛親軍步軍都指揮使司○侍衛控鶴兵馬都指揮使司○侍衛漢軍兵馬都指揮使司

謹案遼御帳諸官以貴戚爲侍衛武臣爲宿衛親軍爲禁衛百官番宿爲宿直皆如今領侍衛之職至南面官之殿前侍衛兩司與宋制正同疑所領皆漢兵故與御帳別爲一職也

金

〔金史百官志〕殿前都點檢司掌親軍總領左右衛將軍宿直將軍諸局署隸焉殿前都點檢正三品兼侍衛將軍都指揮使掌行從宿衛關防門禁督攝隊仗總判司事殿前

左副都點檢從三品兼侍衛將軍副都指揮使殿前右副都點檢從三品兼侍衛將軍副都指揮使掌宮掖及行從殿前都點檢判官從六品知事一員從七品殿前左衛將軍殿前右衛將軍殿前左衛副將軍殿前右衛副將軍掌宮禁及行從警嚴仍總領護衛左右宿直將軍從五品掌總領親軍凡宮城諸門衛禁並行從宿衛之事

金史兵志禁軍之制本於哈濟
滿洲語親也原
作合扎今改正
明安哈濟者言親軍也以近親所領故以名焉貞元遷都更以太祖遼王宗幹秦王宗翰軍為哈濟明安謂之侍衛親軍故立侍衛親軍司以統之正隆五年罷親軍司置左右驍騎所謂從駕軍也置都副指揮使隸點檢司步軍都副指揮使

隸宣徽院

謹案金改侍衛親軍為殿前都點檢司蓋已合宋之三衙為一官而宿衛以外兼防門禁則又並有今護軍之職矣至拱衛直之隸宣徽院者掌陳設儀仗則又近今之鑾儀衛故不著於此表

元

元史兵志太祖功臣博勒呼蒙古語可也原作博爾濟蒙古語爾忽今改正穆呼里蒙古語純也原作齊拉袞蒙古語石木華黎今改正之長番也原作赤老太祖命其世世集賽蒙古語班也原作直宿衛凡宿衛每三日而一更申酉戌日博勒呼領之為第一集賽即伊克蒙古語大也原集賽博勒呼早絕太祖

命以布色

蒙古語帶也原作別速今改正

部代之而非功臣之類故太祖

以自名領之其名伊克者言天子自領之故也亥子丑日博爾濟領之爲第二集賽寅卯辰日穆呼里領之爲第三集賽巳午未日齊拉袞領之爲第四集賽齊拉袞絕其後集賽常以右丞相領之凡集賽長之子孫或由天子所親信或由宰輔所薦舉或以其次序所當爲卽襲其職以掌環衛雖其官卑勿論也及年勞旣久則遂擢爲一品官而四集賽之長天子或又命大臣以總之然不常設也其他預集賽之職而居禁近者分冠服弓矢食飲文史車馬廬帳府庫醫藥卜祝之事悉世守之雖以才能受任使服官政貴盛之極然一日歸至內廷則執其事如故至於子孫

無改非甚親信不得預也若夫宿衛之士則謂之集賽台原作怯辭歹又作法辭丹今並改正亦以三日分番入衛其初名數甚簡後累增爲萬四千人揆之古制猶天子之禁軍是故無事則各執其事以備宿衛禁廷有事則爲天子之所指使比之樞密各衛諸軍於是爲尤親信者也

元史百官志右衛左衛中衛秩正三品中統三年初置武衛至元元年改爲侍衛八年改爲左右中三衛掌宿衛扈從置都指揮使二員副都指揮使二員僉事三員經歷二員知事二員照磨一員令史七人譯史通事知印各一人○前衛後衛秩正三品至元十六年以侍衛親軍扈置前後二衛掌宿衛扈從置都指揮使三員副都指揮使二員

職官表卷四十三
僉事二員經歷二員知事二員照磨二員令史七人通事
譯史知印各一人後衛譯史通事各二人

謹案元之四集賽以功臣之後世領宿衛與今侍衛官員定為上三旗額缺者其制頗屬相近至侍衛親軍世祖設五衛以象五方各置都指揮使以領之而別無總統之官以百官志考之蓋亦隸於樞密院也

明

明史職官志京衛指揮使司指揮使一人正三品指揮同知

二人從三品指揮僉事四人正四品鎮撫司鎮撫一人從三品其

屬經歷司經歷從七品知事從八品吏目從九品倉大使副使各

一人京衛各有掌印有僉書其以恩蔭寄祿無定員凡上

直衛親軍指揮使司二十有六曰錦衣衛曰旗手衛曰金

吾前衛曰金吾後衛曰羽林左衛曰羽林右衛曰府軍衛

曰府軍左衛曰府軍右衛曰府軍前衛曰府軍後衛曰虎

賁左衛是為十二衛洪武中置曰金吾左衛曰金吾右衛曰羽林前

衛曰燕山左衛曰燕山右衛曰燕山前衛曰大興左衛曰

濟陽衛曰濟州衛曰通州衛是為上十衛永樂中置曰騰驤左衛曰

騰驤右衛曰武驤左衛曰武驤右衛宣德八年置番上宿衛名

親軍以護宮禁不隸都督府

明會典掌領侍衛侯伯駙馬等官六員二員管錦衣衛府

軍前衛四員管三千圍營

明史兵志侍衛上直軍洪武置錦衣衛所隸有將軍力士

校尉掌直駕侍衛已又擇公侯伯都督指揮之嫡次子置勳衛散騎舍人而府軍前衛及旗手等十二衛各有帶刀官錦衣所隸將軍後改稱大漢將軍凡千五百人設千百戶總旗七員永樂中置五軍三千營增紅盔明甲二將軍及叉刀圍子手之屬備宿衛領以勳戚官官凡六管大漢將軍及散騎舍人府軍前衛帶刀官者一管五軍營又刀圍子手者一管神樞營紅盔將軍者四居常當直將軍朝夕分候午門外夜則司更共百人而五軍又刀官軍悉於皇城直宿掌侍衛官輪直日一員惟掌錦衣衛將軍及叉刀手者每日侍共計錦衣衛大漢將軍一千五百七人府軍前衛帶刀官四十神樞營紅盔將軍二千五百把總指

揮十六明甲將軍五百二把總指揮二大漢將軍八五軍營又刀圍子手三千把總指揮八勳衛散騎舍人無定員旗手等衛帶刀官一百八十此侍衛親軍大較也

謹案自古周廬千列設戟百重環衛之官其職綦重周禮宮正宮伯實後世郎衛所由始其職皆以勳親入侍休戚一心灑制盡善漢代三署郎多選經明行修者充之猶爲不失遺意其後漸有改更如南北朝之領軍左右衛唐之十六衛宋之殿前侍衛司皆爲宿衛之長而或權移宦豎或委寄非人代多流弊惟元之四集賢以功臣親信子弟世守其官最爲近古明代以二十六衛爲天子親軍統以指揮使領以公侯伯駙馬等官立灑

職官考卷四十三
非不詳備然自永樂以後京營悉有監視太監憲宗又命汪直提督團營禁旅由是始專掌於中官嗣後神機三千四衛等營城門諸局無一不以中官監之宿衛諸軍盡歸掌握甚至領兵出征大帥悉受節制尅軍資冒功掩敗百弊叢生至皇城門禁多屬錦衣衛軍其東廠太監緝事官校亦皆從錦衣撥給由是衛帥每出內侍私人表裏爲奸擅作威福而於禁門守衛一切置之不問衛軍役於中官常至空伍貨市兒行可以應點閱坐更將軍皆納月鏹於所轄經時不至直廬當時人主晏處深宮不接見廷臣出入起居惟有羣閹在側倒持阿柄聽其所爲浸釀厲階致傾宗社禍患所中正不獨

六四百五十七
禁衛之積弛已我

朝侍衛之職選上三旗中材武出眾之子弟及各執事効力人等之可任者爲

御前侍衛

乾清門侍衛而統以三旗領侍衛內大臣凡熊羆之士不二心之臣無不培養生成敬共將事而諸藩之世爲臣僕者亦得以子弟入侍趨走

禁闈番直有期訓習有道稽覈有灑選擢有方分職設官練材於素出則當折衝之任入則備翊衛之班所以上應勾陳環拱

宸極者其規模實爲闊遠矣

